



## МЕСЯЦА ФЕВРАЛЯ В 21-Й ДЕНЬ

**Празднование Пресвятѣй Богородице  
в честь Ея иконы, именуемая Козельщанския**

**НА ВЕЧЕРНИ**

**На Господи, воззвах: стихиры на 8, глас 1:**



вѣлие чѹдо, / на мѣсте необитаемом благо-  
дѣть Божия спасительная изливѣется: / че-  
стнѣй образ Богоматере / многими знамени-  
ями исцелѣний / дѣвно прославляется. / Ве-  
сѣлися, обитель Козельщанская, / радуйтесь, лю-  
дие христоименити, / возопиим верно Царице  
Богоизбранной Отроковице: / Благодѣтная, раду-  
йся, с Тобою Господь, / подай мѣрови Тобою вѣлию  
мѣлость.

Дѣвны Твоя тайны, Богородице, / яко залог  
любвѣ к роду христіанскому, / дарствуещи свя-  
щенную икону Твою, / Небесной благодѣти испол-  
нену, / слава Твоя Боголѣпная, Богоподобными  
сияющи чудесы, / свѣше бо призираеши на нас,  
Владычице, / и мѣлостію Своєю грѣшныя покры-  
ваеши. / Благодѣтная, радуйся, с Тобою Господь, /  
подай мѣрови Тобою вѣлию мѣлость.

Чертѣг зрим украшеннѣй, храм Твой, Богороди-  
це, / в немже непрестанно поклоняющесе живо-  
носному образу Твоему, / радуемся, земнороднии, о  
Божественней Твоей славе красящесе: / темже  
ликующе и прославляюще Тя, / чаем мѣлості  
Твоея богатыя / и благодарственная пѣнія воспе-  
ваем. / Благодѣтная, радуйся, с Тобою Господь, /  
подай мѣрови Тобою вѣлию мѣлость.

### Слава, глас 2:

**К**íими похвалами украсím пресвётлый прázдник Владычицы на́шей, / украсívшия обítель сию чудотвóрным óбразом Своим; / се Царица Богоотроковица при́иде, / и Той достойную честь воздáти немóщно, / сей есть дар многоцённый Засту́пницы мíра, / недоразумева́емая и непостиж́имая / днесь содева́ются Тобóю, Влады́чице Богоблагодáтная, стра́шная та́инства, / се море чудес неисчерпа́емое / и врачевáние безмездное стра́ждущим душа́ми и телесы́, / с н́имиже и мы возопи́им: / ра́дуйся, Радосте наша, / избáви нас от всякаго зла и душетлénных страстéй / и печáлей и вéчнующаго пла́мене мучéния.

### И ныне, глас 8:

**П**риидíte, вси тружда́ющиися и обременéнии грех́и мно́гими, / возвели́чим Матерь Емману́илеву, Держáвную Царицу Богорóдицу, / па́че Го́рних умóв возвели́чившую род христиáнский. / Приидíte припадём к чудотвóрному óбразу Заступницы на́шей / и ом́ием ду́ши слезáми покая́ния. / Се бо за беззакóния наша лю́те стра́ждем, от Бога наказу́еми, / со страхом и любóвию принесём молíтвы наша и возопи́м Благословéнной: / ра́дуйся, Мати Божия, / ра́дуйся, Едина Мати милосердия, / к покая́нию заблúдших призывáющая, / ра́дуйся, Спорúчнице спасéния грéшных, / Сына Своего Бога нашего на мíлость преклоня́ющая. / Ра́дуйся, одея́ние честнóе, весь мир Своим омофóром покрывáющая. / Ра́дуйся, Благодáтная, Невéсто Невéстная.

### На стиховне, стихиры, глас 6:

**Я**ко звезда пресвётлая / посреде́ икон Твоих святых, Богородице, / честный образ Твой Козельцáнский / путево́дствует во спасéние люде́й, / сия́я чудесы́ многоразл́чными, / и несть такова́го, иже зрénием святы́ни Твоея́ не умилíтся. / Темже исцелéние при́ят и деви́ца Мари́я / в тя́жцем недúзе своем неисцельнем, / егда́ душе́ю скорбя́щею и сёрдцем сокрушённóм / припадши со слезáми к пречíстей икóне сей, / молíтвенно воззва́ к Тебе, / Утешéнию стра́ждущих, пóмоци прося́щи, / и áбие исцелéвши благодарственнó



возопи с веселием Благодатней: / радуйся, всех скорбящих Радосте.

**Стих:** Помяну имя Твое / во всяком роде и роде.

Егда принесена бысть / чудотворная икона Твоя, Владычице, во град Москву, / яко реки многоводныя, потекоса к ней людие, / с верою и молитвою к Тебе в недугех своих, / и приемлюще исцеления дивная, прославиша Тя, Богородицу. / Егда же возвращена бысть икона сия в место свое, / тогда и zde молящиеся с верою и любовью обретоша в ней, / яко море неисчерпаемое благодати, / велию помощь и утешение от Тебе, Всеблагая Мати.

**Стих:** Слыши, Дщи, и виждь / и приклони ухо Твое.

Величаем Тя, Пречистая Богородице Марие, немолчными гласы, / святая обитель Красногорская, / Богосветлыми лучами озаряемая / от благодатныя иконы Твоея исходящими. / Прославляет Тя и вся Российская страна, / в нуждах и напастех имущи в Тебе скорую Помощницу / и от враг видимых и невидимых Всемощную Заступницу.

**Слава, глас 8:**

Странни и пришельцы суще в стране сей земной: / отвсюду бедами и печальми обуреваемы, / болезнями и страстьми угнетаемы, / к Тебе прибегаем, о Мати Бога Вышняго, / помяни, Дево Всенепорочная, еже стяжала еси стадо Твое, / и отверзи двери милосердия Твоего, / Матерним дерзновением Бога умоляючи, / да пробавит милость Свою ведущим Тя яко Заступницу усердную, / яко Благ и Человеколюбец Господь.

**И ныне, глас тойже:**

В день праздника нашего вострубим духовною цевницею, / торжествуя, обитель святая, имущи Державную Помощницу / в скорбех многомятежнаго жития нашего, / и крепкое заступление в напастех, / незримую Наставницу, ко спасению путеводствующую, / и о всем мире Молбницу теплую. / О Госпоже Царице и Владычице, / умиленной душею смиренно молим Тя, / приклони ухо Твое к молению грешных раб Твоих, / усердно призывающих Тя, / и сподоби нас райских селений

прича́стники бы́ти, / да безко́нечно славосло́вим  
Тя, / Еди́ну Чи́стую и Препросла́вленную.

**Тропарь, глас 4:**

**В**есели́ся, землѣ Полта́вская / и все Оте́чество  
наше правосла́вное: / се бо я́ко светоза́рное  
со́лнце, / яви́ся пречу́дная ико́на Тво́я, Преблагосло-  
вѣнная Богомати, / мир озаря́ющи мно́жеством  
чудѣс Твои́х, / те́ми убо обрета́ем, я́же на землѣ, вся  
благая́ и полѣзная, / и сущи́х, я́же на Небеси́,  
сокро́вищ сподобля́емся. / Се́го ради вопи́ем Ти: /  
ра́дуйся, Похвало́ наша приснопокланя́емая, / спа-  
си́ ны, моля́щихся Тебе, / еди́ная Наде́ждо и  
Ра́дование вѣчное пою́щих Тя.

**И Заступнице усердная:**

**НА УТРЕНИ**

**По 1-м стихословию седален, глас 3:**

Блажи́м Тя, Богороди́цу, / яви́вшую нам чу́дный  
о́браз Тво́й Козельща́нский, / от него́же Боже-  
ственная вода́ жи́зни непреста́нно истекáет любя́-  
щим Тя и моля́щимся, / ю́же вкуша́ющи жа́жды  
смерто́сныя избавля́ются.

**Слава, и ныне, глас тойже:**

Ангелов Сла́досте, скорбя́щих Ра́досте, / христи-  
а́н Предста́тельнице и ве́ры Правосла́вныя Утвер-  
жде́ние Ты еси, Мати Господня, / заступи́ нас и  
изба́ви вѣчных мук.

**По 2-м стихословию седален, глас 4:**

Любо́вию, Чи́стая, Твою́ святу́ю ико́ну  
почита́ющим / и Тя, истинную Матерь Божию,  
согласно́ возвеща́ющим и ве́рою покланя́ющимся  
Ти, / Хранительница яви́лася еси и держа́вное  
Предста́тельство, / отвраща́ющи вся́кое лю́тое да-  
ле́че сих я́ко вся могу́щая.

**Слава, и ныне, глас тойже:**

Дом Тво́й сей освяти́ Твоею́ благода́тию, Пречи-  
стая Богомати, / я́ко в ски́нии словѣсней, в Тебе  
живѣт Един Препросла́вленный Госпо́дь, / про-  
славля́яй икону́ Твою́, Всепѣтая Дево, чудесы́.

**По полиелеи седален, глас 8:**

Вои́стину ум вся́к не дости́гнет ко  
изгла́бланию / мно́гаго мно́жества щедро́т Твои́х,  
благода́тная Богороди́це Дево, / я́ко и ма́лое молѣ-



ние, в Божественном храме Твоем приносимое, / любезно прие́млещи и скоро проше́ния исполняеши: / цельбоно́сная бо ико́на Твоя прозрѣние источает / и всем болящим здравие подаёт, / и злых ду́хов отгна́ние приходя́щим ве́рою и прося́щим Твоего посеще́ния. / Темже неуспы́нными моли́твами Твоими при́зри на слѣзы стра́ждущих, / молим Тя, сподо́би всех нас с чи́стою со́вестію грехо́в оставле́ние улу́чѣти, / живо́т наш в пока́янии сконча́ти / и неосужде́нно ста́ти одесну́ю Небеснаго Бога Отца, / да хва́лим Тя, яко Благослове́нную Матерь Живота, и благослови́м / и, превознося́ще, покланя́ем Ти ся во веки со всеми Небесными Силами.

**Слава, и ныне, тойже.**

**По 50-м псалме стихира, глас 6:**

Днесь благода́ть Святаго Ду́ха нас собра́ / во свяще́нное жили́ще, / под кро́в Твой, Богородице, прибега́ющія ве́рою: / мо́лим Тя, / яко Помо́щницу всем нам благонаде́жну, / соблюда́й и покрыва́й нас чрез все жити́е, / да́руй нам све́том Твои́м ходи́ти, / о́гненные стрѣлы врага́ угаси́, / и в час сме́ртный предста́ни, / сподо́би нас улу́чѣти Царствие Сы́на Твоего, / да вси, глас Арха́нгела Гаври́ила воспри́ймше, рцем: / ра́дуйся, Благодатная Мари́е, Госпо́дь с Тобо́ю: / ра́дуйся, Благословенная в жена́х, / яко Спаса роди́ла еси́ душ наших.

**Канон праздника, глас 4.**

**Песнь 1**

**Ирмос:** *Отвѣрзу уста́ моя, / и наполнятся Ду́ха, / и сло́во отры́гну Царице Матери, / и явлю́ся све́тло торжеству́я, / и воспою́, ра́дуясь, То́я чудеса́.*

Ангел вопи́яше Тебе, Дево Чистая: ра́дуйся! / Мы же, что Ти принесём, Благаго Царя Благая Мати, / яко явила еси́ нам в сия́ послѣдняя времена́ сокрови́ще неоску́дное — / чудотворную ико́ну Твою́ на освяще́ние и исцеле́ние душ и телес наших.

**Ты** бу́ди нам утвержде́ние и в беда́х скоро́е заступле́ние, / Царице Небесе́ и земли́, / на Тебе наде́мся, непреста́нно моля́ще Твою́ благосты́ню.

**Слава:**

**Я**ко страждущей Марии скоро явила еси велию милость Твою, Пречистая Дево, / такожде не отступай, Милосердая Богомати, и от нас, / благодатное утешение в бедах и злоключениях сущим подаючи, / да Тя присно величаем.

**И ныне:**

**Я**же Бога Слова человеком / преславным Твоим Рождеством соединившая, Дево Богоневесто, / утоли церковныя соблазны / и подаждь мир миру, яко Благая.

**Песнь 3**

**Ирмос:** Твоя песнословцы, Богородице, / живый и независтный источник, / лик себе совокупльшия духовно утверди, / в Божественней Твоей славе / венцев славы сподоби.

**Б**огатство духовное неизживаемое даровала еси рабом Твоим, / Жизнь рождающая, Пренепорочная Чистая Дево, / иконе Твою священную, / еже прославление светло празднующе, вернии, / избавляемся от всяких бед и скорбных обстояний.

**С**вятая Владычице Пречистая Бога нашего Мати, / всех Творца неизреченно рождающая, / моли всегда благодать Его страстей нас избавити / и оставление грехов нам даровати.

**Слава:**

**Н**е оскудей, Пренепорочная Дево, молитвами Твоими / и сохрани стадо Твое, еже обратила благоизволила еси, / Мати Пастыреначальника Господа Иисуса Христа, / да ни едина погибнет от овец Твоих.

**И ныне:**

**О** Богоблаженная Дево, / простри всеблаготворительную десницу Твою, / во еже помощи на избранном пути жития иноческаго, / вверившим спасение свое обители Твоей / и молися прилежно Сыну и Богу Твоему спастися стаду Твоему невредиму.

**Седален, глас 4:**

**Р**иторы глаголы не довлеют воспети по достоинству, / о Мати Бога нашего, / дивная чудеса и неисчислимая благодеяния Твоя от иконы сей являемая, / мы же во смирении сердца тайно вещаем Ти, Ангелов Честнейшей: / радуйся, Благо-



датная, / пребуди, Милосёрдая, с нами неотступно во веки.

### Песнь 4

**Ирмос:** Седяй в славе на Престоле Божества / во облаце лёгце, / прииде Иисус Пребожественный / Нетленною Дланию и спасе зовущия: / слава, Христе, силе Твоей.

Кий ум постигнути возможет силу благодатных исцелений, / исходящую от лика Твоего святаго, / в Божественном сем храме пребывающаго, / слепец бо Иоанн, подобно евангельскому слепцу, / верою крепкою и молитвою непрестающею / взываше к Тебе, Многомилостивой Целительнице, да отверзутся очи его, / и исцелён быв абие и узрев свет, умилённо возопи: / слава силе Твоей, Господи.

Озарй, Всепетая Дево, чистшая светлостей солнечных, / слепоствующий ум наш разумом истиннаго Боговещения, / да не погибнем люте во гресех наших: / помыслы благочестия сердца наша просвети, / да, спасшись Тобю, радостно возгласим: / слава силе, слава и милосердию Твоему, Господи, Благодетелю Всеблагий.

### Слава:

Чудо быше зрети, / како инокиня обители сея, зело ослаблена, / сподобися лобызати цельбоносную икону Твою, Мати Божия, / во мгновение ока ощутив крепость телесную и совершенное здравие, со умилением вопияше: / слава силе, слава низхождению Твоему, Господи Премилостиве.

### И ныне:

Молим Тя, яже прежде век избранная в Матерь Господа, / исцели ослабленные грехом души наша, / оживи росю покаяния сердечнаго и молитвы слезной, / укрепй в сердцах рабов Твоих веру истинную и любовь нелицемерную, / да сподобимся подвигом добрым подвизатися, / веру непорочну соблюсти, / житие мирно скончати, хваля Господа: / слава долготерпению Твоему, Спасе наш.

### Песнь 5

**Ирмос:** Ужасошася всяческая / о Божественней славе Твоей: / Ты бо, Неискусобрачная Дево, / имела еси во утробе над всеми Бога / и родила еси

безлётнаго Сына, / всем воспева́ющим Тя / мир подава́ющая.

Ни ум Ангельский, ниже́ язык челове́ческий возмо́жет изрещи́ / мно́жества зна́мений дивныя по́мощи Твоя, Пренепоро́чная Владычице, / подава́емая рóду челове́ческому в нúждах душе́вных и телесных: / благодея́ния Твоя паче звезд небесных сияют во всем ми́ре Твоем. / Темже у́бо приими́ благодарственная моле́ния сия недостóйная, / непреста́нно сла́вимая Го́рними Силами, Богоневестная Дево.

Коль чу́дны дела́ Твоя́, Го́споди, / се бо, я́ко со́лнце, ми́рови возсия́ пречестна́я ико́на Преблагослове́нная Ма́тере Твоея́, / ве́рных мы́сли просвеща́ющи велича́ющих Тя, Христе, присно.

### Слава:

Сей святы́й день ра́достный, Богому́дренни, / приидите пе́снями и пёнии духо́вными воспоём свётло, / ныне всеблаголéпно зря́ще храм Пречи́стыя ико́ною световидною украша́ем, / я́ко пребы́вание сла́вы Приснодевы́ zde яви́ся. / Мо́лим Ти ся приле́жно, Богороди́тельнице, / я́ко су́щей с на́ми Твоею благода́тию озари́тися нам.

### И ныне:

Ныне Не́бо и земля́ веселится / и чи́ни Ангелов и челове́ков собра́ние, / изрядно пра́зднующе, воспо́йм Христа, дарова́вшего нам Божественное наслажде́ние — / о́браз Свой свяще́нный и Пречи́стыя Матере Своея́.

### Песнь 6

**Ирмос:** Божественное си́е и всечестно́е / соверша́юще пра́зднество, / Богому́дри, Богоматере, / приидите, рука́ми воспле́щим, / от Нея́ Ро́ждшагося Бога славим.

Досто́йно есть велича́ти Тя, Богородицу, / дарова́вшую пречи́стый о́браз Свой в по́мощь и Божественное заступле́ние / святе́й оби́тели сей от враг ви́димых и неви́димых.

Досто́йно есть велича́ти Тя, / Я́же в Вь́шних Престо́лу Живонача́льная Трои́цы в моли́твах о нас предстоя́щая, / от Ангел воспева́емую Де́ву Пречи́стую / и от земных я́ко Богоневестную Ма́терь присно прославля́емую.



**Слава:**

**Велича́ем Тя, Пресвята́я Дево, / и почита́ем  
светоно́сный о́браз Твой, / е́гоже во утвержде́ние  
о́бители се́я положи́ла еси, / да пребу́дет непре-  
кло́нна в век ве́ка от смяте́ния ересей.**

**И ны́не:**

**Все́й земли́ Росси́стей возсия́ / свѣ́ше да́нный  
благоче́стно покланя́емый о́браз Твой че́стный, /  
Богоизбра́нная О́трокови́це, / и Божественно́ю  
благода́тию покрыва́ется о́битель Богома́терня,  
ве́рно Бо́га прославля́ющая.**

**Кондак, глас 3:**

**Б**оголе́пно во смире́нии красу́ется о́битель  
Красногóрская, / осеня́емая и спаса́емая пре-  
дѣ́вным о́бразом Влады́чицы Пречи́стыя, / Небесе́  
и земли́ Цари́цы Богоро́дицы, / от не́гоже исто́чни-  
ки благода́ти и ча́ша чуде́с обильно́ излива́ются, /  
и усер́дно притека́ющие исцеле́ния ве́рою приѐм-  
лю́т, / и неве́рнии ве́рою крѣ́пкою серде́ц  
исполня́ют / и мы, раба́ Твои, Богома́ти, благода́р-  
не вопи́ем Ти: / ра́дуйся, Предста́тельство хри́сти-  
а́н непосты́дное и о́бители Твое́я красото́ и  
ра́дование.

**Икос:**

**Высо́ту Небе́снаго жити́я и сла́вы присносу́щ-  
на́я Божественно́е осия́ние / да́руй рабо́м Твоим,  
любоблагоутро́бная Ма́ти Дево Мари́е, / и сподо́би  
соверши́ти пресла́вное торже́ство во све́те  
доброде́яний / и помы́шлений, духо́вно сия́ющих, /  
свѣ́ше бо облагодáтствовала еси живонóсный  
о́браз Твой, Богоизбра́нная Невѣ́сто, / и, яко луча́-  
ми со́лнечными, чуде́сными зна́мениями согрева́-  
еши серде́ц / благоче́стно почита́ющих и ве́рою  
покланя́ющихся, / якоже Тебе́ Са́мой су́щей с на́ми,  
святе́й ико́не Твое́й, / ю́же невидимо со стра́хом  
о́кружа́ют от Небе́с лик Ангел святы́х: / сия́ убо,  
якоже луна́ по́лная пресве́тлая в но́щи, / отго́нит  
тьму боле́зней и скорбе́й, / иже желáнием серде́ч-  
ным умиле́нно притека́ют ко благосер́дию Тво-  
ему, / ра́дующе́ся о Божѣ́ственной благода́ти, вели-  
ча́ют Тя, зову́ще: / ра́дуйся, предста́тельство хри́-  
сти́а́н непосты́дное и о́бители Твое́я красото́ и  
ра́дование.**

### Песнь 7

**Ирмос:** Не послужиша твѣри Богомудрии / паче Создавашаго, / но огненное прещѣние мужески поправаше, / радовахуся поюще: / препетый отцев Господь и Бог благословен еси.

Да сликовствуѣет церковной светлости любовию Божественною / Ангельское воинство, Богомудренно воспевающе: / благословен еси в храме славы Твоея, Господи.

Паче вышних ликостояний вознеслася еси, Владычице, / едина бывши Мати Вседетеля, / темже убо радуящися, взываем: / благословенна Ты еси в женах, Всенепорочная Владычице.

#### Слава:

Церковь земнородных торжествуящи радуется, / зрящи Божественную икону Матери Господней, / и единомудренно воспеваѣт: / благословенна еси Ты, Владычице Пречистая, / просвети ны светом Сына Твоего.

#### И ныне:

Почетъ и поклонение возносящи Тебе, девственная Похвало, / о Тебе радуется, Благодатная, всякая тварь, / Ангельский собор и человеческий род, достойно взывающе: / благословенна еси Ты, Владычице, Дево Неискусобрачная.

### Песнь 8

**Ирмос:** Отроки благочестивыя в пещи, / Рождество Богородичо спасло есть: / тогда убо образуемое, / ныне же действующее, / вселенную всю воздвизает пѣти Тебе: / Господа пойте, дела, / и превозносите Его во вся веки.

Лучами света умнаго освещаем, / Божественный дом Твой осеняет ныне всех облаком Духа Святаго / и освящает верныя, согласно поющия: / благословите, вся дела Господня, Господа.

Честь и славу стяжавше священнописанный образ / Богородицы и Предвѣчнаго Богомладенца Христа Жизнодавца, / со благоговѣнием притецем, вернии, воспевающе: / благословите, вся дела Господня, Господа.

Благословим Отца, и Сына, и Святаго Духа — Господа.

Умиленно просим Тя, Владычице, / освяти Божѣ-



ственной благодатию Твоею нас, молящихся, / и ополченными непобедимыми Ангел Своих огради обитель Твою, / врагов свирепство покаряючи, да благословим Господа во веки.

**И ныне:**

Церковь Свою обручившаго Себе Кровию честною / Божественнаго Младенца Иисуса Христа и Пречистыя Матере Его / священное изображение любезно лобызаем и молим, / сподоби нас, Христе Спасе, воскресение улучшить вопиющих: / благословен еси, Господи, во веки.

**Песнь 9**

**Ирмос:** *Всяк земнородный, / да взыграется Духом просвещаемь, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная Богородице, / Чистая Приснодево.*

Богоначальным мановением святая икона Твоя, Владычице, / от лет древних храняемая, / ныне, яко чаша, благодать Твою обильно изливающая, / есть достойные обители Твоея, / темже благочестно прославляюще Тя, Богородице, достойно величаем.

Якоже древле волны морския и бурю оставила еси, Богородице, / егда чудный образ Твой, шествоваше по Русскому морю ко брегу Отчества нашего, / тако и ныне молим Тя, Богоневесто, / укроти волны неверия, ересей и расколов, / да Тя, Божию Матерь, исповедающе, Церковь во веки величает.

**Слава:**

Из рода в род храняемая святыня — / образ сей честный, / молим Тя, Царице Преблагая, / да будет во освящение и исцеление и спасение душ и телес наших, / да Тя во веки величаем.

**И ныне:**

Призри благосердием Твоим, Всепетая Дево, на люди Твоя, / цельбоносному образу Твоему поклоняющиеся, якоже Тебе Самой, / на нем изображенной, Матери Господней и Предвечному Младенцу Твоему, / Егоже любовь объяла еси на пречистых рущех Твоих, / моли, да сохранит обитель сию невреденну, да Тя во веки веков величаем.

### Светилен, глас 8:

День светлопразднственный и веселия исполненный явился днесь: / воспойте Господеви песнь хвалёбную в церкви преподобных, / яко благоволи Господь в людех Своих / прославити чудную икону Матере Своей, исцеления всем источающую, / коль страшна дела Твоя, Христё, / и кто возможет изрещи милосердие Твоё.

### Слава, и ныне:

Небесная поют Ти, обрадованная Мати Богоневестная, / и мы славословим неизследованныя Твоя милости, Богородице, / темже моли спастися душам нашим.

### На хвалитех стихиры, глас 8:

Крест Твой всечестный имаши / в деснице Твоей воздвижен, Христё Боже, / на нёмже распялся еси, / и егже целуем на иконе Твоей. / Той есть свет и живот сущих во тьме, / имже избави всех от бед, / и всех скорбящих от соблазна лукаваго, / молитвами Богородицы и спаси всех нас, Спасе наш.

Се чаша жизни, преисполненная даров Святаго Духа — / священная икона Владычицы. / Вкусите и видите, коль велия милость Заступницы. / По хотению бо Своему мощна есть и творити яко сущи всех Владычица. / Сытость Твоих похвал, Дево, / благочестивым верным отнюд не бываёт: / желанием бо желание присно Божественное и духовное приёмлюще, / яко Матерь Божию величаем.

Новоявленное чудо яви нам мысленный Божественный сад, / в нёмже благодати прозябша плоды, / от нихже ядше, живи будем, / жаждущии любовь Богородицы насладимся. / Ликуй, вселенная, услышавши, / прослави со Ангелы Щедродательницу / Спаса Бога нашего Матерь Пречистую, Молитвенницу непостыдную; / Той молитвами, Милостиве Спасе, / подаждь нам Духа Святаго, / Подателя благодати от Отца Тобою происходяща.

Палато одушевленная Христова, / верным же стено, и покрове и державо, / Тобою обитель Твоя, Богомати, утверждается и прославляется, / Твоею



пóмощию правове́рнии лю́ди спаса́ются, / Тобо́ю хва́лимся прѣсно, / Твое́ю благода́тию сохра́няем-  
ся, Пречѣстая, / от гла́да и па́губы, от нахождѣния  
протѣвных и междоусóбныя брѣни, / и от много-  
разлѣчных болѣзней, и от напрѣсныя смѣрти. /  
Покрѣй и ны́не, Госпоже́ Мѣти Присноде́во, /  
чтѣщих Тя омофо́ром мѣлости Твоея / и не престѣй  
всегда́ да́рующи нам согрешѣний оставлѣние, /  
Божѣственное заступлѣние и вѣчное ра́дование.

**Слава, глас 8:**

**О**, преслѣвнаго чудесе́! / Зело́ стра́ждущая отро-  
кови́ца Мари́я / в неисцѣльном недѣзе своѣм, / объѣм  
рука́ми свѣтѣю ико́ну Твою́, Пречѣстая, / воздыха́-  
нии сердѣчными вопи́яше к Тебе́, Владѣгчице, /  
та́йно вещѣя Мѣтери всех скорбѣщих тяжкая  
страда́ния своя. / О, вѣлия ве́ра твоя́, / бѣди ти по  
глаго́лу твоѣму. / Се здра́ва еси́! / Тѣмже благодарѣ-  
нии непрестѣнными возопи́й безме́дной Цѣли-  
тельнице: / ра́дуйся, Ра́досте на́ша, / ра́дуйся, ско́-  
рая Помóщнице моля́щимся Тебе́, / ра́дуйся, Анге-  
лов Сла́во и челове́ков Похвало́; / ра́дуйся, Божѣ-  
ственное Утешѣние ро́ду христиа́нскому, / благо-  
да́ть Свою́ и мѣлость по ве́ре явля́ющая.

**И ны́не, глас 2:**

**Преблагословѣнна еси́, Богоро́дице Де́во, / Рож-**  
**дествóм Твоѣм дарова́вшая нам жизнь вѣчную. /**  
**Препросла́вленно и превознесѣнно естѣ свѣтѣй-**  
**шее ѣмя Твоѣ в род и род. / Вѣлия и преслѣвна**  
**чудеса́ Твоя́, / любóвь несказа́нна к ро́ду челове́че-**  
**скому. / Свѣше бо призира́яй Госпо́дь на смире́ние**  
**па́дшаго создѣания Своего́, / всели́ся в пречѣстое**  
**чре́во Твоѣ, / и Крѣстными страда́нии Своими́ и**  
**смѣртию / искупи́л ны естѣ от рабóты вра́жия. / И**  
**ны́не Богоприя́тными моли́твами Твоѣми, Мѣти**  
**Бóжия, / и непобеди́мою си́лою Крѣста́ Сѣна**  
**Твоего́ / спаси́ ду́ши на́ша.**

**Козельщанская икона Божией Матери** принадлежит к числу икон позднейших по времени прославления (1881) и вместе с тем к числу наиболее почитаемых. Икона эта, написанная в итальянском стиле конца XV—начала XVI веков, была привезена из Италии в Россию одной

из придворных императрицы Елизаветы Петровны (1741—1761). Впоследствии эта придворная дама вышла замуж за писаря Запорожского войска Сиромаху. Так икона попала на Украину. В XIX веке она находилась в семье графа Капниста в селе Козельщине Полтавской губернии.



Сведения о том, кто и когда приобрел эту икону, семейное предание не сохранило. Но икона почиталась как чудотворная. По преданию, она особенно помогала девушкам, прибегавшим к ней с мольбой об устройстве семейного счастья.

На сырной седмице 1880 года дочь В. И. Капниста — Мария — заболела. Местный врач определил незначительный вывих ноги и наложил гипсовую повязку. Спустя некоторое время ее повезли к харьковскому хирургу. Он также определил вывих. Чтобы уменьшить боль в ноге при ходьбе, был сделан особый башмак со стальными пружинами и предписано принимать теплые ванны. Прошел пост, но больная не чувствовала облегчения.

После Пасхи Мария почувствовала страшную боль и в другой ноге, которая у нее искривилась, как и первая. В. И. Капнист снова обратился к доктору, который нашел и в левой ноге вывих, надел и на эту ногу стальные пружины, посоветовав немедленно везти девочку на Кавказ для лечения минеральными водами и горным воздухом. Путешествие на Кавказ и лечение причинили еще большие страдания. Силы девочки ослабли, она потеряла всякую чувствительность в руках и ногах, даже к уколам. При осмотре, кроме прежних повреждений организма, были найдены еще вывихи в плечевых суставах, в левом бедре и крайняя чувствительность в позвоночном столбе на всем его протяжении. Такая сильная степень болезни и безрезультатность лечения заставили возвратиться домой.

В октябре месяце отец поехал с больной дочерью в Москву. Там он обращался к известнейшим докторам, которые заявили, что они бессильны перед болезнью.

Родители и больная уже отчаивались в спасении. Но неожиданно представилась возможность обратиться к помощи заграничного профессора. Так как до его приезда в Москву оставалось продолжительное время, больная попросилась домой. Отец отпустил ее в деревню, взяв со своей супруги слово привезти больную дочь в Москву. 21 февраля 1881 года получили телеграмму, что профессор едет в Москву.

Мать, решив ехать на следующий день, указывая на семейный образ Божией Матери, сказала дочери: «Маша, мы завтра едем в Москву, возьми образ Божией Матери, почишь Его ризу и покрепче помолись пред нашей Заступницей. Проси, пусть поможет нам благополучно совершить путь и излечить твою болезнь». Больная и сама, потеряв надежду на земных врачей, всю надежду возложила на Бога и вверила свою судьбу Небесной помощи.

Прижав к груди святую икону, она с помощью матери протерла ее и всю тяжесть недуга, скорбь и отчаяние души излила пред ликом Божией Матери, прося у Нее той помощи, которую не могли дать ей врачи. И усердная, пламенная молитва больной девочки была услышана. Она сразу почувствовала во всех больных суставах ощущение жизненной силы и громко закричала: «Мама! Мама! Я чувствую ноги! Мама, я чувствую руки!» Девочка сорвала металлические пружины и бинты и стала свободно ходить по комнате, продолжая благоговейно держать в своих руках образ Божией Матери. Немедленно приглашен был приходской священник, и пред образом был совершен благодарственный молебен. Радостное событие скоро стало известно в окрестных селах. Мать поехала в Москву с выздоровевшей дочерью и взяла с собой образ Божией Матери. Слух об исцелении быстро распространился по Москве, и народ стал стекаться сначала в гостиницу, а потом в церковь, куда перенесли икону. От иконы произошло еще несколько исцелений. Когда семья возвратилась домой в Козельщину, вся окрестность уже знала об исцелениях от Козельщанской иконы Божией Матери, совершившихся в Москве, и многие собрались для поклонения образу. Хранить далее икону в доме не было возможности, и, с разрешения Высокопреосвященного Иоанна, архиепископа Полтавского, 23 апреля 1881 года икона была перенесена в специально устроенную временную часовню. Каждый день с раннего утра не умолкало пред образом молебное пение и чтение акафистов. В 1882 году был построен храм, а определением Святейшего Синода от 1 марта 1885 года учреждена



женская община, 17 февраля 1891 года преобразованная в женский монастырь в честь Рождества Пресвятой Богородицы.

В настоящее время чтимая Козельщанская икона Божией Матери находится в Красногорском Покровском женском монастыре (Киевская епархия). Козельщанской иконе составлены Служба и акафист.

Всего сто лет нас отделяет от того момента, когда проявилась чудодейственность нового образа Пресвятой Богородицы, и еще менее — от других исцелений от этой иконы. И эта милость Божией Матери к верующим христианам еще раз свидетельствует о том, что помощь Небесной Заступницы последует каждому, имеющему веру в Ее милосердие.



В  
ТОЙЖЕ  
ДЕНЬ

**Преподобнаго отца нашего Тимофея,  
иже в Символах,  
и иже во святых отца нашего Евстафия,  
архиепископа Антиохийскаго**

**На Господи, возвах: стихиры, глас 8.**

**Подобен: О, преславнаго чудесе!**



Отче Богомудре Тимофее, / воздержанием  
многим / и частыми молитвами / страстей  
взыграния / до конца потребил еси / и,  
безстрастия благодать прием, / приятелище  
явился еси Божественнаго Духа. / Темже духи  
отгоняеши всегда лукавыя, / живый и по смерти,  
Богоблаженне.

Отче Богомудре Тимофее, / Аврааму подобник  
неложен был еси, / исцеляя всюду / к тебе прибега-  
ющие. / Иовлеву стяжал еси в болезнях крепость, /  
Давидову кротость имея, / житие равноангельно  
на земли пожил еси, / желание получил еси  
конечное, / о нас моляся.

Отче Богомудре Тимофее, / целомудрия образ,  
воздержания подписатель, / благочестия зрак / и  
источник умиления, / православия утверждение  
непоколебимо, / исцелений струя приснотечна, /  
солнце незаходимо, / чадо Божественных  
благодати / и монашествующих явился еси удобре-  
ние, пречестне.

**Ины стихиры святителю, глас тойже.**

**Подобен: Что вы наречем:**

Имея житие Небесно, / от Бога священствовати  
положен был еси воистинну / и приносил еси Ему

службы умом чистым./ Беды претерпел еси, блаженне, и болезни,/ проповедания ради Божественнаго/ и твердыя истины,/ юже твоими словесы утвердил еси,/ безумныя обличая явственно.

Словом священных твоих течений/ запалил еси яве хвратие Ария злочестиваго хуления,/ Отцу невмещающа Сыну/ естеством именоватися равночестну,/ всесвященне Евстафие,/ и сердца просветил еси,/ и истиною удержал еси/ верою творящих память твою.

Помавая жезлом словес твоих,/ всесвященный пастырю,/ стадо Божие словесное соблюл еси тем/ от волк всяких невредимо./ Темже ты добрый Пастырь/ введе во ограду Небесную,/ идеже отечестии избранныи праведных души,/ Евстафие Богоносе преблаженне.

**Слава, и ныне, Богородичен, глас 8.**

Подобен тойже:

Кому уподобилася еси, окаянная душе,/ к покаянию никакоже возничущи/ и огня не ужасающися,/ злых ожидающаго?/ Востани, и Едину к заступлению скорую призови и возопий:/ Дево Мати, моли/ Твоего Сына и Бога нашего/ избави ти мя от сети льстиваго.

**Крестобогородичен.**

Подобен тойже:

Агница Агница яко виде,/ на Древе простерта волею Крестнем,/ вопияше матерски,/ болезнующи с плачем:/ Сыне Мой, что странное сие видение?/ Всем живот дай яко Господь,/ како умерщвляешия, Долготерпеливе,/ земным подай воскресение?/ Славлю Твое многое, Боже Мой, снизхождение.

**Тропарь, глас 4:**

**Б**оже отец наших,/ творяй присно с нами по Твоей кратости,/ не остави милость Твою от нас,/ но молитвами их/ в мире управи живот наш.

**Канон преподобнаго, глас 8.**

**Песнь 1**

**Ирмос:** Поим Господеви, вси людие,/ в мори Чермнем фараона погрузившему,/ победную песнь поюще, яко прославися.



**Тя,** мысленную звезду, на высоте, отче, воздержания просиявшую светло / и верных сердца озаряющую, / блаженне Тимофее, восхваляем присно.

**Имея** к Богу протяженно ума твоего око, / уныния сон от души оттрясл еси, отче, / и храм был еси Божественнаго Духа, и место священства, Тимофее.

**Лукаваго** козни, смирением огражден, отче, прешел еси невредно, / и к Богу возвысился еси, / и Того славы вину наслаждаешися, блаженне Тимофее.

**Богородичен:** Несказанно Бога, Творца всяческих, во чреве зачешую безсеменно / и плотию яко истинно рождшую Богородицу, / Отроковицу, и девствующую, / песнями почитаем.

### Ин канон святителя, глас 7.

#### Песнь 1

**Ирмос:** *Поспешествовавшему Богу во Египте Моисеови, / извести Израиля, / Тому Единому поим, яко прославися,*

**Иже** отец верх, яко Слова благодатию одеянна, / великаго Евстафия песнями восхваляем.

**Поборник** веры явлься, / Христову Церковь непленену борением ереси сохранил еси, преподобне.

**Уста** Словесе быв, отрыгнул еси учения пучину, преподобне, / в нейже потопил еси Ариево злочестие.

**Богородичен:** Яже словом плотию паче слова рождши Начальника Жизни, / Того непрестанно моли спастися душам нашим.

#### Песнь 3

**Ирмос:** *Утверждение мое, Спасе, еси, / прибежище мое и сила; / поколебавшееся сердце мое утверди в страхе Твоем, / яко несть свят, якоже Ты, Бог наш.*

**Ущедряя** всех милованием, иный Авраам был еси, / приемля отсюду приходящая, о Тимофее, / и теми угождая всех Богу.

**Умертвил** еси, отче, яже на земли твоя уды, яко глаголет апостол, / жизни Небесней причастник

показáлся еси́, / в нѣйже чту́щия тя прѣсно  
помина́й.

**Восто́ка твои́х дел, о́тче, со́лнце был еси́ незахо-  
ди́мо, / луча́ми по́двиг концы́ озаря́я прѣсно / и  
де́монов разоря́я омраче́ние.**

**Богоро́дичен: Свята́я Де́во, Царя́ ца́рствующи́х  
Роди́тельнице, / плени́цы прегреше́ний мои́х  
расто́ргни / и наста́ви к пока́нния стезя́м моли́тва-  
ми Твои́ми.**

### **Ин**

**Ирмо́с: Утверди́ся се́рдце моё в Го́споде, / возне-  
се́ся рог мой в Бо́зе моём, / разшири́шася на враги́  
мой уста́ моя́, / возвесели́хся о спасе́нии Твоём.**

**Ты, ору́жие извлѣк ѱстинное, яви́лся еси́ благо-  
че́стия первонача́льник, / сопроти́вныя ве́ре про-  
бо́д, Евста́фие.**

**Ты, любоболѣзненно возде́лав Це́рковь / се́рпом  
уче́ний твои́х, блаже́нне, из ко́рене вся посе́кл еси́  
тем плѣвелы.**

**Старе́йшинствуя со сла́вою Ёстинному, / су́щаго  
вои́стинну нача́льника лжи Ария, Богоблаже́нне, /  
порази́л еси́ ка́мением словѣс твои́х.**

**Богоро́дичен: Роди́лся еси́ несказа́нно, / яви́лся  
еси́, я́коже благоволи́л еси́, Спа́се наш, / и мир  
обнови́л еси́, Го́споди.**

### **Седáлен, глас 8.**

**Подобен: Прему́дрости:**

**Научи́вся Сло́ву, нас ра́ди от Де́вы ро́ждшемуся  
без ислѣния, / Сего́ Божество́ безбо́жным пропо-  
ве́дал еси́ / и мно́ги привѣл еси́ Бо́гови ве́рою, /  
свяще́нных чуде́с мно́гими явлѣньми. / Те́мже,  
Богонóсе, святу́ю твою́ па́мять творя́ще, / благода́-  
тию твоёю ду́ши просвещáем / и соглáсно вопи́ем  
ти: / Богонóсе Тимофе́е, моли́ Христа́ Бо́га / грехо́в  
оставле́ние подáти чту́щим любóвию святу́ю па́-  
мять твою́.**

### **Сла́ва, седáлен, глас 3.**

**Подобен: Красоте́ де́вства:**

**Единосу́щнаго Отцу́ и Ду́ху Сло́ва пропове́дал  
еси́, о́тче Евста́фие, / и безу́мнаго твёрдо жи́лами  
уче́ний твои́х Ария удави́л еси́, / ху́лящаго на  
пра́вое уче́ние. / Те́мже спричте́ся ликом, раду́ясь,**



Божественных проповедник отец, / с нимиже нас поминай.

**И ныне, Богородичен:**

Яко невозделанная, Дево, лоза, краснейший грозд прозябла еси, / источающ нам вино спасения, / всех веселящее души же и телеса. / Темже, яко вину Тя добрых блажаше присно, / со Ангелом вопиём Ти: / радуйся, Благодатная.

**Крестобогородичен:**

Неискусобрачная, Чистая и Мати Твоя, Христэ, / видящи Тя, мертва висяща на Крестэ, / матерски плачущи, глаголаше: / что Тебе воздаде еврейский беззаконный собор и неблагодарный, / иже многих и великих Твоих, Сыне Мой, даров насладивыйся? / Пою Твое Божественное снисхождение.

**Песнь 4**

**Ирмос:** Из горы приосененная, Слове, пророк, / Единья Богородица, / хотяща воплотитися Боговидно усмотри / и со страхом славословяше силу Твою.

Ты, молитвами утверждаяся присно, / мысленных врагов луки и стрелы, якоже младенец стреляния, вменил еси, / отче преславне Тимофее.

Еже к нам Христова смотрения / любовью поклоняяся, Богомудре, образу, / искушение мук претерпел еси, от сего отмечающихся, / о, Тимофее.

Якоже некий столп, / непоколебим был еси, / присно к Богу в славословии никакоже почивая, / в сих пребыл еси красотах причастник, / о, Тимофее.

**Богородичен:** Ново на земли родила еси Отроча, / еже от Отца прежде всех век рожденного нетленно, Мати Чистая, / христиан исправление.

**Ин**

**Ирмос:** Небеса покрыла есть / добродетель Твоя, Господи, / и Твоего хваления вся исполнил еси. / Слава силе Твоей, Человеколюбче.

Веры собирая победительная, / стрелами словесными нечестиваго Богомудренно низложил еси, отче, Ария.

Словес твоих светлость, якоже молния, изшедши, / Ариево злославие поपालяет, / Евстафие премудре.

**О**граждѣние положив словесы твоими, / якоже винограду Господню, / Церкви, преподобне.

**Богородичен:** Родила еси плотию, Дево Чистая, / Иже прежде Тебе Безначальнаго Слова / и по Тебе паче Слова, из Тебе вочеловечшася.

### Песнь 5

**Ирмос:** Мрак души моея разжені, Светодавче Христе Боже, / началородную тьму изгнав бездны, / и даруй ми свет повелений Твоих, Слово, / да, утренюя, славлю Тя.

Умом очищенным предстою Троице, блаженне, / и отонудными зарями осияемь, отче, / сущия ны во тьме, бедствующия душевными страстьми, просвещаеши всегда.

Плоть воздержанием, душу безстрастием украсив, мудре, / Царя всяческих угодник явился еси / и от Него яве чудес дары приял еси, Тимофее.

Не умом льстивным, но простым сердцем просивши, приступившая неплоды / верною молитвою благочадна является от неплодства, / поющи Христа Бога нашего.

**Богородичен:** Вселився во чрево Твое живый в Вышних, / Ты содела Небес ширшую, Марие Богородице: / Егоже о всех нас, яко Благая, не престаи молящи, Богоневесто.

### Ин

**Ирмос:** Утренюет дух мой к Тебе, Боже, / зане Свет еси, / и Твоя повеления быша исцеления рабом Твоим, / Человеколюбче.

Мрак разорил еси ересей / и возсиял еси концем всем зарі учений твоих, / Евстафие блаженне.

Оружии ограждаеми, Евстафие, учений твоих, / настоящия Божественней вере ереси побеждаем.

**Богородичен:** Дево, не престаи молящи Бога, из Тебе рождашагося плотию, / избавитися рабом Твоим от всякаго обстояния.

### Песнь 6

**Ирмос:** Очисти мя, Спасе, / многа бо беззакония моя, / и из глубины зол возведи, молюся: / к Тебе бо возопих, и услыши мя, / Боже спасения моего.

Добре твое соблюдая девства достоинство во всей твоей жизни, / жені никогдаже в лице зрел еси, / еже от сего вред до конца отразив.



**В** пристáнище мýсленное устремíлся есѣ, волна́ми сластѣй не омочíвсь, / всеблаже́нне Тимофе́е, / но Дýха живонóсными вѣтры дóбре преплы́л есѣ, всесла́вне.

**У**дали́лся есѣ псалóмски, в гора́х живы́й, / в пусты́нях прѣсно, мýдре, водворя́ясь, / дóндеже вшел есѣ в Бóжий град Небѣсный, / Тимофе́е блаже́нне.

**Богорóдичен:** На плещу́ Херувѣмску неопѣсанно седя́й / опѣсанно в Твое́ чре́во всели́ся плóтию, а не Божество́м, / и из Тебе́ прóйде, спаса́я мя, Всенепорóчная.

### Ин

**Ирмо́с:** *И́она из чре́ва а́дова вопия́ше: / возведи́ от тли живóт мой. / Мы же Тебе́ вопи́ем: / Всесѣ́льне Спа́се, помѣлуй нас.*

**С**ловѣс тво́их Богодохновѣ́нных вѣтром / ути́шил есѣ бýрю еретѣ́чествующих, / в пристáнище благо́честия Цѣрковь направля́я, / преблаже́нне.

**В** добродѣтели непорóчен сый, преподóбне, / сла́вен явѣлся есѣ слóвом и жити́ем, / Цѣркве Христо́вы удо́брение.

**Богорóдичен:** Егóже родила́ есѣ, Богорóдице, нескáзанно, Бóга на́шего, / моля́щи не преста́й, изба́вители от бед по́ющим Тя, Чѣстая Прѣсноде́во.

### Конда́к, глас 4.

**Подóбен:** Явѣлся есѣ днесь:

**Я**ко звезда́ многосвѣ́тая, / от восто́ка возсия́в, / озари́л есѣ в сердца́х вѣрных / добродѣтели чудѣс тво́их, / чудотворче всеблаже́нне Тимофе́е.

### Песнь 7

**Ирмо́с:** *А́нгелом óтроки из огня́ спасѣ́й / и гремя́щую пещь прело́живый на рóсу, / благосло́вен есѣ, Бóже оте́ц на́ших.*

**У**гасѣв страстѣ́й пла́мень слез росóю, / благода́ть чудѣс источѣ́л есѣ, / ѣмиже очища́еши сквѣрны страстѣ́й, Тимофе́е.

**Б**лаже́нство Божѣ́ственное нелóжно получи́л есѣ, / крóтких, преподóбне, насле́довал есѣ зѣмлю / и ра́дости избра́нных насыща́ясь.

**Разрешение грехов** творящим любовью священную память твоего преставления, / яко дерзновение обрет, блаженне, испроси.

**Богородичен:** Избавленнии вси от первыя клятвы / пресвятым Рождеством Твоим, благословенная Единая, / Тя благословим, Богородице Нескверная.

**Ин**

**Ирмос:** В пещи суще халдейстей, / Авраамстии отроцы / ликовашу со Ангелом, глаголюще: / отец наших Бже, благословен еси.

**Еретичествующих брань** оружием Духа, мудре, победив, / почести нетленные приял еси, от Христа венчаемь.

**Меч обоюдоустр** уста твоя на нечестивых, отче, показашася, / под рукою Слова покрываема, / яко сих брань посек.

**Учения лопатою** развеял еси Ариеву лесть, яко плевы, / во одушевленную, отче, житницу собирая пшеницу веры.

**Богородичен:** Богородицу вси почитим, яко Спаса родила есть, / верою зывающе: / радуйся, Рабо и Мати Христа Бога нашего.

**Песнь 8**

**Ирмос:** Покрываяй водами превыспренняя Своя, / полагаяй морю предел песок / и содержай вся, / Тя поет солнце, Тя славит луна, / Тебе приносит песнь вся тварь, / яко Содетелю всех во веки.

**Страстоубийца** был еси воздержанием многим и зельными болезнями бдения, / восхожденными присно добродетелей, преподобне, поучаяся в сердца / и от славы переходя в славу некончаемая жизни и нетления.

**Яко жертву**, преподобне, / молитвы твоя к Богу Пречистому ты принесл еси, чисты от души, / Божественно действо от Него приял еси чудес: / демоны отгоняти и человеческия целити немощи.

**Ненавистозлобен** и незлобив, / милостив, и кроток, / и правдою украшен, отче, был еси, / преподобен, непорочен, / ошаяся всякия неправды, / столп монашествующих, / темже ты почитаем, вернии, во веки.



**Богорóдичен:** Еди́ну Тя избра́, добро́ту Иа́ковлю, О́тчее Сло́во/ и во утробе Твое́й всели́ся, я́коже благоволи́,/ па́че всех красне́йший Чело́век, Всечи́стая, про́йде,/ омраче́нное на́ше очища́я естество́.

### Ин

**Ирмо́с:** Еди́наго Безнача́льнаго Царя́ Сла́вы,/ Егóже благословя́т Небе́сныя си́лы/ и трепещут чии́ни А́нгельстии,/ по́йте, священни́цы,/ лю́дие, превозно́сите Егó во ве́ки.

**Жезло́м премудрости** твоея́ писаний разделив Божественную пучину,/ Хри́стов святителю,/ и преложи́л еси́ к землѣ правосла́вия но́ваго Изра́иля,/ арианѣты же, я́ко егѣптяны, удави́л еси́.

**Небе́снаго ты** сшед видения на столп хала́нский А́риев,/ размеси́л еси́ язы́ки ерети́чествующих,/ Евста́фие му́дре,/ единогла́сную ве́ру проповеду́я во ве́ки.

**Испове́даньми твоими́,** я́же по и́стине,/ на запа́де жизнь сконча́л еси́;/ возсия́л еси́ па́ки на восто́це ста́ду твоему́, му́дре,/ зарю́ благоче́стия испуща́я во ве́ки.

**Богорóдичен:** Созда́вшего Ада́ма по образу, и от сме́шения егó прошедша,/ и спа́сша челове́ческий род,/ по́йте, священни́и,/ лю́дие, превозно́сите Егó во ве́ки.

### Песнь 9

**Ирмо́с:** Благо́словен Госпо́дь Бог Изра́илев,/ воздвигну́вый рог спасе́ния нам,/ в до́му Давидове о́трока Своего́,/ в ни́хже посети́ нас Восто́к с высоты́/ и напра́вил ны е́сть на путь ми́ра.

**Свяще́ния храм,** умиле́ния исто́чник,/ сострада́ния струя́ яви́лся еси́, му́дре,/ любви́ же безме́рная пучина́,/ Госпо́день уго́дник нелóжен, и Небе́сный гражда́нин,/ и А́нгелов единокро́вник, и чуде́с то́чение.

**Хвалѣ́тися ми́лости,** о́тче, суда́ све́дый, не презре́л еси́ страна́на,/ но всем благ, милосе́рдия отвѣрзл еси́, преподо́бне,/ о́тец быв си́рых и вдови́ц заступни́к,/ и наги́х одея́ние, и пи́ща алчу́щих.

**От землѣ отлучи́лся еси́** к Небеси́,/ иде́же имѣл еси́, е́ще ходя́ во плóти, до́бре жити́е, преподо́бне,/

нам очищение согрешений моля даровати, / верно чтущим твою святую память.

**Струю** нам всегда честная твоя рака исцелений источает, отче, / страстей излишня всяческих иссушаючи / и всяку напояючи душу к благоплодию Божественному, / священне Тимофее, Христов угóдниче.

**Богородичен:** Глаголом Твоим последующе, / роди родов, Блаженная, Ты блажим присно: / Бога бо, истинно Блаженного, родила еси, Пресвятая Чистая, / вся блаженны Тому работающия неложно творяща.

### Ин

**Ирмос:** Паче естества Матерь / и по естеству Деву, / едину в женах Благословенную, / песньми, вернии, Богородицу величаем.

**Иже** в писаниих, грозд, учительно изгнет, / напоил еси верных вина, отче; истины Христовы, / сердца веселяща.

**Оружие** обюду остро, нося, Богословный Твой язык, / посекал еси лукавый Ария гнев, / неповинную и душевную кровь, блаженне, изливающ.

**Нарочитый** святой день всесвятая твоея памяти творяще духовно, / тя молим: / моли прилежно, святителю, спастися нам.

**Богородичен:** Юже во чреве заченшую неопи- санное Слово / и дверь Божественная жизни нам являющую, / Пречистую воистинну Богородицу величаем.

**Преподобный Тимофей**, пустынный VIII века, жил в тяжелое время гонения на святые иконы. Родом итальянец, он с ранней юности подвизался в монастыре «Символы» близ горы Олимп. Духовным руководителем преподобного Тимофея был архимандрит этого монастыря Феоктист, наставник преподобного Платона, исповедника Студийского (память 5 апреля) и родственника преподобного Феодора Студита (память 11 ноября), ревностного обличителя иконоборческой ереси. Преподобный Тимофей под опытным руководством

игумена проводил жизнь в строгом воздержании и неустанной молитве. Много лет Преподобный скитался по пустыням и жил отшельником.

Достигнув высокого духовного совершенства, он получил от Бога дар исцеления болезней и изгнания нечистых духов. Преподобный Тимофей был одним из ревностных защитников святых икон. По повелению императора-иконоборца Константина Копронима он был сослан в Тавриду на место нынешней Балаклавы. Скончался преподобный Тимофей, достигнув глубокой старости (†ок. 795).



**Святитель Евстафий, архиепископ Антиохийский** (323—331), родился в Сиде Памфилийском во второй половине III века. Он был епископом города Берии, пользовался любовью и уважением народа и по ходатайству паствы был возведен отцами I Вселенского Собора (325) на Антиохийскую кафедру.

Святитель Евстафий был глубоко образованным Богословом, а также отличался обширными познаниями в науках светских. Когда на Востоке стала распространяться ересь Ария, не признававшего Единосущия Сына Божия со Отцом, святитель Евстафий ревностно боролся — устно и письменно — с этой ересью и твердо стоял за чистоту Православной веры.

В 325 году святым равноапостольным императором Константином Великим (306—337) в городе Никее был созван I Вселенский Собор. Первым председателем на нем был святитель Евстафий. Собор осудил учение Ария и изложил Православное исповедание в Символе веры. Неистового Ария, как назвал его святитель Евстафий, не пожелавшего отказаться от своего заблуждения, и его единомышленников Собор лишил сана и отлучил от Церкви. Однако среди епископов, подписавших Никейский Символ, были и такие, которые сочувствовали ереси Ария и подписали акты Собора не по убеждению, а боясь отлучения. После Собора начались их происки против святителя Евстафия. С великой хитростью они добились его согласия на созыв в Антиохии Поместного Собора. Подкупив одну блудницу, они подговорили ее явиться на Собор с грудным младенцем и лжесвидетельствовать о том, что отцом младенца является святитель Евстафий. Нарушая Апостольские правила о том, что обвинение на священнослужителя следует принимать при подтверждении двух свидетелей, ариане объявили святителя Евстафия низложенным. Он без суда

был отправлен в ссылку во Фракию.

Но ложность обвинения вскоре открылась: тяжело заболев после оговора, женщина раскаялась, призвала клириков и в присутствии многих людей исповедала свой грех. Святой Константин Великий к тому времени умер, и на престол вступил его сын Констанций (337—361), разделявший еретические взгляды Ария и покровительствовавший арианствующим епископам. Святитель Евстафий и в ссылке также ревностно боролся за Православие. Ему не суждено было вернуться на родину: он скончался в городе Филиппах в 337 году.

Состоявшийся в 381 году в Константинополе II Вселенский Собор подтвердил Православный Символ веры, который так ревностно защищал святитель Евстафий. Арианское лжеучение было еще раз предано анафеме как ересь.

В 482 году мощи святителя Евстафия с честью были перенесены из Филипп в Антиохию к великой радости антиохийцев, не перестававших почитать и любить своего архиепископа-исповедника.

Святителя Евстафия чтит великие святители IV века: Василий Великий, Иоанн Златоуст, Афанасий Александрийский, Епифаний Кипрский, Анастасий Синаит и блаженный Иероним Стридонский. Известный церковный историк — епископ Феодорит Кирский — называет святителя Евстафия столпом Церкви и благочестия наравне со святителем Афанасием Александрийским и другими епископами, главными поборниками Православия. Сочинения святителя Евстафия переведены на разные языки. На русском языке издано «Слово о трапезе в доме Лазаря и его сестер Марии и Марфы» (пер. Н. П. Кудрявцева, — «Богословский вестник», 1903, II, июль — август).

